

Starkbierrede 2008

Ja gutn Abnd, ihr lieb'n Leit,
es is mia heid a bsondre Freid,
vor sua vül Leit herin zu ren,
i mecht aids wos zum Bestn gem.

Am Nockerberg is Tradition,
dass döi Leit, döi wos hom zu song,
döi stena in da Politik,
iwaheift wern mit Kritik.

Kritisiern kann i scho lang,
i sigs, manchn wiad angstabang,
dea wou dou mid herinnasitzt
und aidsad scho a bissl schwitzt.

Owa es gheat si, voam vazölln,
mecht ich mi gschwing aa nu viastölln:

I bin der mid dem gloina Beichl
mid Namen Florian von Schleichl!

Jaja, da Bruder Barnabas,
der houd am Nockaberg sein Spass,
dea daad zu uns ja goa niad kumma,
dou san mia zu a gloine Numma.

Drum dou heid ich aweng wos song,
ich hoff, a jeda kanns vadrong.



**Bei uns, a jeda kanns scho seng,
houds aweng a Ändrung gem:
Mia hom heid andre Musikantn,
wou fröia is da Oskar gschdandn.**

**Ehrenvorstand isa gwen,
die Feiaweia, des woa sei Lem.
Bei uns houd er sich sehr wohl gflld
Und wousn gfalln houd, houda gschblld.**

**Da Herrgott wolltnan bei sich hom,
wahrscheins is d´Musi recht schlecht drom.**

**I hoff er doud schöi eualachn
und fian Herrgott d´Musi machn.**

**Drum denk ich, es is in seim Sinn,
wenn i glei mal des Gröigl nimm
und af sei wohl eng zouschrei Prost!**

Prost sozi, egal wos kost!

**Mia hom gfuna zwoa Artverwandte
Im ganzn Dorf recht guad bekannte,
es san, grod is gsagd woan,
vo Grou, die Bumbaras, di Horn.
Mid dene wirts recht lustig wean,
eng weadsis seng und weadsis hean.**

**Als nächstes möima nu oin dankn
und zwar unan Kommandantn.
Der macht si imma recht vll Möi
öiamal bis in da Fröi,
hockta in dean Heisl drin
und houd nix wöi d´Feiaweia im Sinn.**

**Er iwalegd und sinnaliert
wos demnäxt aa nu aagschafft wiad.
„A neis Audo brauchma, des is doch kloa
und aabaut wiad im nächtn Joa.
I wie glei moang af d´Gmoi eigöi,
da Bürgermöista wird’s vastöi.“**

**Da Bürgermoista wird scho zwida,
„Aids kummt des (Rindv...) ääh, der Kommandant scho wida!
Wos wird er denn heid wida wolln?
Am löibstn daad i mi aids drolln.“
Fia solche Fäll homs mid Bedacht,
im Rathaus hint a Dia eigmacht.
Sollt da Kommandant vorn einahupfn,
kamma hint ganz schnöll nu assischlupfn.
Blous da Kommanda is niad blöid,
der woiss aids aa scho wöi des göid:
Drum isa oft scho ungeniert
vo hint ins Rathaus eimarschiert.**

**Drum homs a Falldia, gout durchdacht,
am Bürgermoistadisch aabracht.
Solltn dou gewiss Leit kumma,
döi si hom zu vll viagnumma,
wern si sofort ungehemmt
per Knopfdruck in D´Noo euchigschwemmt.**

**I dou mi dou niad weida oo,
döi speit nan wida aas, döi Noo.
Nou wirda dou baal wida sitzn,
da Zeugwart, der dout aids scho schwitzn,
wal allgemein is doch bekannt,
as Wassa macht recht eng as Gwand.
I hea nan ren, wöia dann sagt:
„Dea houd scho alle Anziech ghat!
Größbare gits niad aaf da Wölt,
as nächstbest wa a Drei-Mann-Zölt!“**

**Vorteile houd des, is doch klar,
imprägniert is wunderbar,
ob Wiesn, Föld oda a Ranga,
er houd dabei a feste Stanga,
um in allen Lebenslagen
nicht durch Erschlaffung zu versagen.**

**Sollt er trotzdem möid mal saa,
is koi Problem, man kennt des ja,
ich vazöll aids dou koin Schmoan,
mim Bulldog wirda dann hamgfoan.**

**Vorn, in da Ladaschaf l drin,
wal aanaschd houds ja ee koin Sinn.**

**Ja sua woas vor a boa Joua
am Kannasfeia, wirkli woua.**

**Wemma si hald iwanumma,
kanns scho mal zu suawos kumma.**

**Dou nitzts aa nix wemma sie ziert,
is des niad jedn scho bassiert?**

**Da näxt, wou zu erwähnen waa,
is da Vorstand, des is klar.**

**Blous dou fallts ma bsondas schwaa,
i wisst niad wos dou scho gwesn waa,
wos ich dou kanntad kritisiern,
i ho zermartert lang mei Hirn.**

**Howama denkt, frougst hald sei Wei,
dera fallad gwis wos ei.
Doch ich ho ooglegd den Gedankn,
da Jackl wiadmas lang nu dankn.**

**Oins is mia dann doch eigfalln:
Dou sannan fl scho zwida,
Jedes Joa kummt des Gfrett wida.**

**Nou suran Fest wöi des heid is,
dou housd danou a haffa Gschies.
Wegamma moust den ganzn Dreg,
ja vo alloins göid der niad weg!**

**Oft is des scho woan angesprochn,
doch mid Traditionen wiad niad brochn.
Nammidooch um euns waas schöi,
dou kanntn möinara higöi.**

**Doch des wiad knallhart abgeschmettert,
denn wer bis fröi houd einiglettert,
dea kann um neine fröi zammramma,
ansunstn möissad er si schamma.**

**Vo da anan Seitn gseng,
is des nu nie sua einfach gwen.
Wöi soll euna, der in seim Brölla
einfach nimma göi kann schnölla,
um neina dou sa war a Wuna,
wenna um zeana easchd ins Bett eigfuna?**

**Owa desmal houdasi broadschlong loua,
um neina niad, um zwoa suagoua,
döima moang easchd zammaramma.
Wea dou niad dou is, soll si schamma.**

**Da Vorstand mechts amal probiern.
Kameraden, des mou funktioniern!
Wiad des Angebot niad guat aagnumma,
möima s´näxtmal wida um neine kumma.**

**Oin howi nu, an bsondan Maa,
iwa den i aa nu redn kaa.**

**Naa, es is niad una Herr Pforra,
des is una Böiafoara.**

**Der liefert uns stets zeitgerecht
as Böia, obs goud is oda schlecht.**

**Es is vor kurz n easchd bassiert,
dou houda uns ganz ungeniert
a Böiafassl gem – schbendiert.**

**Ja alle homsi lang scho gfreid,
Freiböia gits an dean Oumd heid.**

**Ja, a haffa san eidroffn,
waals alle gmoint hom, heid wiad gsoffn.**

**Ja aazapft hommas scho, döi Bröi,
doch nachad housdas seang hamgöi,
di Leit, a boa woan zwida:**

A sura Glump bringsd uns nie wida!!!

**A Blempl woas, dodal aasgraucht,
dou is Vertrauen baal verbraucht!!**

**I ho ihn owa scho aagschbrochn
und er houd mia ganz fest vasprochn,
die näxte Übung wird ganz schöi,
er wird persönlich dou higöi
und uns a dreißga Fassl bringa,
und zwar a frisch – des louda springa.**

**Dann samma wida alle goud
und i dou zöing vor ihm mein Houd.
Trotzdem houdas heid nu gschaftt,
dass er gnouch Böia zouabracht,
dass jeda gern und vll heid drinkt,
waals frisch is und koi Seial stinkt.**

**Dou draf möima an Grouch aids nemma
und nu a Halwe einistemma.**

**Alle sex Joa ais suaweit,
mutige Leit san dann bereit,
döi stölln si in da Gmoi vorn hi
und bedln alle aa: „Wöllts mi!“**

**Ja, desmal is wos Bsondas gwen,
drei Kandidatn houds glei gem,
döi si aweng hom vieradou,
da Stangl Franz, der wollt sein Rouh.**

**Er houds goud gmacht, die ganzn Joua
und er houd gröigd vll graue Houa.**

**Da Nachfolger mou des erfassn:
In döi Schouh brauchst lang zum Einibassn!**

**Nichtsdestotrotz stölln si eu hi,
döi song, demnäxt machs i.
Teilweis is scho söltsam gwen,
ganz ana Leit houdma oft gseng.
Ja fröias is doch der nie kumma,
der moini houdsi wos fiagnumma.**

**Ja Auswüchse houd des scho ghat,
des woa a Kandidatn-Jagd.
Wou is as näxte Festl, wou?
Woan denn aa alle drei heind dou?**

**A komisch Zeich is scho bassiert,
die Senioren wird Honig ums Maal gschmiert.**

**Im Wirtshaus höiast d´Leit drin ren,
vo da CSU höids Gäns und Antn gem.**

**Waas ganga nou da SPD,
Warad d`Christbaamkugl as Pappmaschee.**

Auswix houds dou scho fei gem.

I hoff, baal kimma ruhiga lem.

**Im Wirtshaus heast nix andas mea:
„Wer wird denn Bürgermöista, wer?“**

**Da Bürgerwille doud entscheidn,
oina houd scho möin drunta leidn.**

**Die CSU, des is niad glong,
döi houd valoan, des mouma song!**

**Naja, döi sach göid aidsa weida,
wer is fia Grummannoo aids gscheida?**

**I mecht aids dou koin Ratschlag gem,
des solln d´Leit sölwa iwalegn.**

**Wer wird si vorna aids histölln?
Mia werns seng, nächst Woch beim Wölln.**

**Wos nei woan is in unan Land,
des is, wöits wissts, allseits bekannt,
des einen Freud, des andern Not,
des allgemeine Rauchverbot.**

**Man houd Gedankn aufgebracht,
wöima des am bestn macht,
sich sölwa schöi zu profilieren
und di gloin Kneipn zu runiern.**

**Absatzmärkte brechn ei,
die Brauerei houd aa a Gschrei,
waal wer soll drin des Böia drinkn,
wenns alle draßn umastinkn?
Stinkn, oda da Wirtshausmief,
is jedn bestimmt ein Begriff.
Ob Politiker oda vom Bau,
a jeda woiß des ganz genau,
vom Böia gröggsd an dickn Bauch
und kummst vom Wirtshaus, stinkst nou Rauch!**

**Dou homs fröia scho gschria:
„Scheiß Raucha, wecha dia
mou ich mei Gwand aids wida lüftn,
vom Houd bis unti zu di Hüftn.“**

**Aids stinkts halt nimma sua nou Rauch,
owa stinkn dousd im Grunde auch.**

**Dou nitzt aa koi O de Toilett,
Des Gwand, des stinkt nou Küchenfett!**

**Oda nouan Gast sein Pfuaz,
des is nämli aids nimma schnuaz,
kummt im Wirtshaus oina aas,
wers woa wöiss jeda – sura Kaas!**

**Nou moumas Gwand aa assihenkn
und in da Luft drei Dooch schöi schwenkn.**

**Oins kummd aids aa nu dazou,
an Wirt loud des ja goa koin Rou:
Wenn d´Leit zum Rauchn assigenga,
owa zum Zooln dann nimma kemma!**

Des Zechprölln wird wida grouße Mode.

Fian Wirt gits blous nu oi Methode:

**A jeda Gast gröigd aids sei Kian
an Fouß, nou kanna drassn schian.**

**Baal kannstas lesn in da Zeitung:
„Kettenraucher houd aids a ganz neie Bedeutung!“**

**Des Gsetz houd goud dazou beidrong,
dass d`Stammgäst si mim Wirt nu schlong,
dass döi Leit, döi wousi nix drum scheißn,
da Wirt mou aidsad assischmeissn,
dass Leit, döi dodal friedlich woan,
sich aidsa aazeing zwecks den Schmoan.**

**Wenn am Klo aids euna raucht,
dou wird d`Polizei glei braucht.
Ja raucht der Kerl dou ungeniert,
nou wirda aa glei denunziert.**

**Und des, des kanni niad vastöi,
des höid doch aa möin andaschd göi.
Des Denunziern, des is doch old,
des houd doch koina möina gwollt,
oda wesweng moints ihr, homs damals d`Mauer niedergrollt?**

**Wennst aaschaust una Politik,
dou howi scho bal d`Faxn dick!
Allas wiad eun viadiktiert,
wiasd kontrolliert, aasschbioniert.
Mündigkeit is nimma gfragd,
wosd dou deafsd wiad vo om dia gsagd
und dousdas niad, nou wiasd nu gagd.**

**Man is nimma sei eigna Herr,
des wiad, wöi damals, DDR.
Ja waa des allas denn a Wuna?
A Kanzlerin vo driem homs gfunna.
Döi braucht des scho, des Spioniern,
des hülft ihr schließlich beim Regiern!
Ich glab, döi houd aweng Hamwöi,
nou solls hald wida iwigöi!**

**Döi om wean des nu weidaspinna,
nu mehr sinnlose Gsetza finna,
wous d`Leit damit dressiern,
ohne irgend aweng Hirn.**

**Es gewad sua vll wichtge Sachn,
wou döi höin in dem Land zu machn.
Waa des in dem Land niad schöi,
wenn jeda kannt in d`Oawad göi?
Wenn d`Kina as da Schöll grad kumma
und d`Firma sagd: „Ja, du wirst gnumma!“
Di groußn Firmen loudma göi,
des kani goua niad vastöi.
Mid Göld weans gföittad dick und fett
und homs an Grong vull, nou sans weg!
Dou möissadns mal Gsetza finna,
dass döi des nimma sua leicht kinna.**

**Doch dou dafia is wenig Zeit,
vielleicht sans aa niad sua Gscheid,
dass seng, wos mid dem Land bassiert,
am Rauchen ligd des af jen Fall niad!**

**Es kummt, weads seng, des wiad nu schlimma,
an Schweinshaxn, den gits bal nimma,
waal sogenannte Fachleit song,
da Mensch kann sowos niad vadrong.
Des bayerische Lebensgfl,
des kost da Kranknkasse zfl.**

**Ins Gnack gröigd ma an Strichcode ei,
dass bessa kontrolliern kinna,
houda scho zwoa Bier oda drei,
nou kannst afs Hamgöi di besinna,
wal möinara, des gröigsd heid nimma.
Wenns sua zougöid, werdsis scho seng,
vom Alter her kanntmas dalem.**

**Housd a Katz oda an Hund,
des göid niad, des is doch niad gsund!
Dou gröigdma blous a Allergie,
des macht di Kranknkasse hi.**

**Komisch is scho, des Rauchverbot,
bei dera Krankenkassennot.**

**Wal mittn drin, im schärfstn Winta,
warad im Wirtshaus s´Rauchn gsinda.**

**Sua stöit da Raucha unbedacht,
draß und raucht schöi bei da Nacht
Di Krankenkass gröigd dann ihrn Dank,
waal am nächtn Dooch, dou isa krank.**

**Jeda Hund, dea doud des wissen,
der wou mi föittad, wird niad bissn.**

**Die Landespolitik woiss niad,
drum sog eich i, wos baal bassiert.
Fll wenga Leit genga aids rauchn,
doch d`Steia gölda dadma brauchn.**

**Ja des Göld wird hald dann fölln,
an euna Hend kannst des oozölln,
obs nächts Joa is oda scho heia,
fia alle gits a neie Steia.**

Wos soll uns denn nu fiagschriem wean?

Wöi lang ma lem? Wenn möima steam?

**Döi Politik, döi macht uns hi,
im Namen der Demokratie.**

Schwemmas eu! Strichcode homma heid nu koi!

